

Die Wapad

SAWA Oos-Kaap



Lekker geslaap...
Nou ja toe,
staan op,
trek aan,
polish jou tande,
kam jou hare,
stryk jou
kommerpoole uit;
vergeet van jou
probleme en ander
mense se strooi,
lag Kilphard en
geniet 'n wonderlike
dag &!



Jes. 10:12

Ek het gesê: Saai volgens my wil, en julle sal my liefde oes. Ploeg vir julle 'n nuwe land! Dit is nou die tyd om na my wil te vra sodat Ek kan kom en weldade oor julle uitgiet.



INHOUDSOPGawe



UIT DIE WOORD.....	3
VOORSITTERS VERSLAG.....	4
REDAKTEURS BRIEF!.....	5
LIEF EN LEED & SAWA EREKODE.....	6
IETS VIR DIE LAGSPIERE.....	7
WILLOWS KAMPVERSLAG.....	8
FOTOBLAD SENIOR BURGERS WILLOWS FEBRUARIE 2014.....	9
CANNON ROCKS KAMPVERSLAG.....	10 & 11
100 + KAMPVERSLAG.....	12—14
MATILDA SE GEKRUIS-TE LYNE.....	15
WARE WOORDE.....	16
LEDE INDELING.....	17
VERJAARSDAE.....	18
JAAR PROGRAM.....	19
SAWA STREEF DAARNA.....	20

Tensy anders vermeld word daar ook van die Internet en Facebook gebruik gemaak vir inligting

Uit die woord

Toe 'n jong vrou eendag by haar ma huil en moedeloos haar lewe beskryf asof sy net wil handdoek ingooi, neem haar ma haar sonder 'n woord kombuis toe. Daar neem sy drie kastrolle en vul elkeen met water. In die eerste een plaas sy 'n paar wortels, in die tweede 'n paar eiers en in die derde gemaalde koffiebone.

Toe plaas sy dit op die stoof en laat dit kook. Twintig minute later skakel sy die plate af. Sy haal die wortels uit en plaas dit in 'n bakkie, toe die eiers, en laastens skink sy die heerlike geurige koffie in 'n fles.

Sy vra haar dogter: "Wat sien jy?"

Wortels, eiers en koffie, "antwoord haar dogter."

Die ma laat haar toe om aan die wortels te voel. Dit was sag gekook. Sy dop die eier af en laat haar aan die klipharde eier voel.

Daarna skink sy vir haar 'n heerlike, geurige koppie koffie en sê: "Elkeen van die drie produkte het dieselfde krisis deurstaan— "KOKENDE WATER" - maar elkeen het verskillend daarop gereageer

Die wortels is hard en onverbiddelik die water in, maar het swak en sag daaruit gekom. Die eier was broos en sag. Die dun dop het die vloeibare inhoud beskerm, maar die kookwater het die binnekant verhard. Die gemaalde koffiebone het uniek gereageer. In plaas daarvan dat dit verander het, het die kookwater waarin dit was, verander".

Soos watter een is jy? " vra sy haar dogter. As krisisse en pyn aan jou deur klop, hoe reageer jy? Soos die eiers, die wortels of die koffiebone?"

Baie mense swig onder die druk van krisisse en word kragteloos. Ander lyk oënskynlik nog net dieselfde van buite, maar binnekant is hulle kliphard.

Sal dit nie wonderlik wees as ons soos die koffiebone kan reageer nie? Mag elkeen se lewe soos 'n geurige koppie koffie wees...

Vra God om jou situasie te verander. Hy sal die krisis of moeilikheid NAMENS jou hanteer.

Ingestuur deur Estelle Ferreira

DIE VOORSITTER Sê...

En daar is 'n kwart van die jaar verby. Dit voel of ons nou die dag by Summerwood gekamp het. Die 100+ het gekom en gegaan. Wat 'n heerlike naweek was dit nie. Die weer het saamgespeel en almal kon hulleself geniet. Ons volgende kamp is 'n nuwe een, in die vorm van Noorsveld. Hierdie jaar is daar weer 'n Gebiedskamp by Keurbooms en dan kan ons weer bietjie uitvind hoe gaan dit met ons vriende in die res van die gebied.



Ons staan voor groot uitdagings in die kampeerbedryf. Die alewige verhoging in brandstofpryse, die hoë koste van kos en die verhoging van kampeergeld maak dit moeilik vir die gewone persoon in die straat om te oorleef. Petrol en diesel het in 2009 onderskeidelik R7.13 en R6.44 gekos. Vandag moet ons onderskeidelik R13.98 en R13.05 betaal vir brandstof. Dit beteken ons betaal dubbel soveel as 5 jaar gelede om dieselfde afstand te ry. Ons vriende van die Noorde moet dan ook nog verder tolgelde ingedagte hou, enige iets van R50 tot R200 per naweek.

Kampeerterreine wil nie meer net 'n onbeperkte aantal staanplekke aan kampeer-groepe afstaan nie. Die kampeerterreine wil nou weet presies hoeveel woonwaens gaan kom kamp en daar moet soveel staanplekke bespreek word, wat dit moeilik gaan maak vir ons om te gaan kamp op die ingewing van die oomblik. Daar moet vir elke bespreekte staanplek betaal word of daar iemand kom kamp het of nie. Dit gaan beteken dat lede hulle gaan moet vereenselwig daarmee dat hulle gaan moet sê of hulle gaan kamp of nie en dat hulle dan verantwoordelik gaan wees vir die onkoste.

Verder wil kampeerterreine ook nie meer so geredelik 'n staanplekprys vra nie maar eerder 'n per kopprys. Dit maak dit taamlik duur vir lede wat een of meer tieners het om gereeld te gaan kamp. Gelukkig vir ons, hier in die Oos-Kaap, is daar darem nie so baie kampterreine wat al hierdie beleid begin volg het nie. Van Stadens is een van die kampterreine wat hierdie pad begin volg het vanaf die 1ste Maart, wat beteken dat ons met ons jaarvergadering sal moet weet wie gaan kamp en wie nie.

Daar was heelwat van ons lede wat in die afgelope kwartaal moes gaan vir operasies en prosedures. Ek wens almal van hulle vinnige beterskap en voorspoed toe. On-gelooflik wat dokters alles vandag met tegnologie kan vermag.

Baie dankie aan almal wat gereeld hulle ledegeld en bedryfsfonds betaal. Die bedryfsfonds maak publikasies soos hierdie moontlik en ek wil ook net vir Jan sê baie geluk en dankie vir die harde werk wat hy insit om hiervan 'n sukses te maak.

Hoop om baie van julle by Keurbooms te sien.

Johan Steynberg

Redakteursbrief

Die jaar stap fluks aan, ons is alreeds besig met die 4 de maand van 2014 en party van ons dink al weer wanneer kan ons 'n slag vakansie kry.

Van die skole het alreeds hul matriekafskied funksies gehad en die foto's wat ek gesien het, het die SAWA kinders pragtig gelyk. Ja, onthou die jaar is baie kort vir julle en voordat julle jul oë uitvee is die eindeksamen hier. Ek glo dat julle almal reeds fluks besig is om julle voor te berei vir jul laaste skool eksamens.



Die Willows kamp was heerlik en die stappers het hulle geniet om so vroeg in dieoggend die heerlike seelug te kon ervaar. Johan Steynberg en sy span het ook gesorg vir heerlike pitlose waatlemoen, wat regtig baie lekker was. Die Sawanante het hulle heel gepas geniet aan die smaklike waatlemoene. Soos gewoonlik by Willows is dit ook 'n Senior burger saamtrek gewees en die gebruiklike ontbyt en tee was soosgewoonlik 'n heerlike saamkuier onder die klomp Seniors.

Dan was daar die 100+, dit was regtig 'n ervaring om vir die eerste keer deel te kon wees van die uitgesoekte klompie Sawanante. Ons het 'n funksie die Saterdag-aand gehad met die tema boemelaars, wat 'n wonderlike gees het daar nie onder die klomp boemelaars geheers nie. Die onder 100 + groep het hulle werklik goed van hul taak gekwy. Soos Johan Steynberg dan ook tereg opgemerk het, met so 'n span kan ons hierdie land regeer.

Daar was ook 'n klompie van ons wat die pad aangevat het Cannon Rocks toe, uit die verslag en foto's kon ek sien dat hulle dit ook regtig geniet het. Daar was dan ook die potjiekos kompetisie, en daar het die manne en vroue weer uit hul pad gegaan om alles so perfek as moontlik te kon doen. Die kos het heerlik gelyk en op die foto's kon ek amper proe hoe lekker dit gesmaak het.

Weens omstandighede sal ons as gesin nie die volgende twee kampe kan bywoon nie, maar heelwat kampe lê nog voor. Ons gaan nog lekker saamkamp in die volgende maande - ek sien uit daarna om alle bekendes weer op ons volgende kampe te sien.

Groete

Jan Hugo

Lief

- ♥ Elsabe Pattinson se seun Brendon is onlangs getroud.
- ♥ Johan en Karen Rautenbach se dogter Chantel het verloof geraak.
- ♥ Dwane en Aneke Lerm se kinders presteer goed op die sportveld.
- ♥ Johan v Vuuren se seun Janus het onlangs sy gradeplegtigheid gehad.

Leed

- Sieg Slabbert se Pa is oorlede.
- Louis Brophy was ook in die hospitaal vir toetse.
- Zeldri was vir 'n operasie.
- Wanda Besinger was vir 'n operasie.
- Tanyia Hugo was vir 'n operasie.
- Gerrie Rens was ook in die hospitaal.
- Freek & Theo Buchner se Pa is oorlede.
- Michelle Smit se Pa is oorlede.

EREKODE



Hiermee verbind ek myself en my gesin tot die Grondwet, asook tot die Reëls en Gedragskode van die Suid-Afrikaanse Woonwa-Assosiasie

Verder verbind ek myself tot die volgende:

1. Ek sal strewe om die Christelike grondslag van SAWA te bewaar en uit te lewe;
2. Ek sal SAWA dien sover ek kan en alles in my vermoë doen om ons Assosiasie uit te brei;
3. Ek sal ons geliefde land se natuurskoon en sy fauna en flora beskerm en bewaar;
4. Ek sal poog om alle openbare geriewe en fasiliteite tot my beskikking so te benut dat ander gaste dit sonder ongerief kan gebruik;
5. Ek sal poog om in alle opsigte hoflik te wees, beleefd op te tree en bedagsaam te handel teenoor alle padgebruikers;
6. Ek sal daarop let om nie deur my gedrag die eer van SAWA te skend nie, maar sal poog om die agting van almal met wie ek in aanraking kom, af te dwing.

lets vir die lagspiere

Wat my ma my geleer het.....

Ma het my geleer hoe om te bid: "Jy moet bid dat daardie kol op die mat uit is as ek vanaand by die huis kom" Sy het my geleer van "time travel": "Ek sal jou tot in volgende week in klap!" Sy het my geleer pa's is slimmer en ryker as ma's: "Gaan vra jou pa!" Sy het my geleer oor plantkunde: "Lyk dit vir jou of geld op my rug groei?" Sy het my geleer om altyd nederig en klein te wees: "Mejufroujie!!!" Sy het my van die weer geleer: "Dit lyk of 'n dekselse orkaan jou kamer getref het!" Sy het my geleer van fauna en flora: "Moenie vir my vertel perredrolle is vye nie!" Sy het my geleer om myself te ontdek: "Hou op om jou soos jou pa te gedra!" Sy het my die wetenskap van osmose geleer: "Hou jou mond en eet jou kos!" Sy het my geleer van uithouvermoë: "Jy sal by daardie tafel sit totdat jy jou spinasie opgeëet het!" Sy het my geleer van sintuie: "Kinders word gesien en nie gehoor nie!" Sy het my geleer van humor: "Hou aan lag, dan gee ek jou iets om oor te huil ook!" Sy het my van jaloesie geleer: "Daar is duisende arm kindertjies wat ouers soos joune begeer!" Sy het geleer dat daar 'n plek en 'n tyd vir alles is: "As julle mekaar wil vermoor, gaan doen dit buite! Ek't nou net hier skoongemaak!" Sy het my wiskunde geleer: "Sit jy alweer en tandetel!" Sy het my logika geleer: "Want ek sê so, dis hoekom!" Sy het my geleer dat wonderwerke nog kan gebeur: "Ek sal jou klap dat jy jou antie vir 'n eendvoël aansien as jy my weer terug antwoord!" Ai ma's is darem maar slim.

Vanaf Facebook gekopie

Be sure and cancel your credit cards before you die! This is so priceless .

A lady died this past January, and XXXX bank billed her for February and March for their annual service charges on her credit card, and then added late fees and interest on the monthly charge. The balance had been R0.00, is now R60.00. A family member placed a call to the ABSA Bank call centre:

Family Member: - 'I am calling to tell you that she died in January.'

Bank: - 'The account was never closed and the late fees and charges still apply.'

Family Member: - 'Maybe, you should turn it over to collections.'

Bank: : - 'Since it is two months past due, it already has been.'

Family Member: - So, what will they do when they find out she is dead?'

Bank - 'Either report her account to the frauds division or report her to The credit bureau, maybe both!'

Family Member: - 'Do you think God will be mad at her?'

Bank: - 'Excuse me?'

Family Member: - 'Did you just get what I was telling you . . . The part about her Being dead?'

Bank:- 'Sir, you'll have to speak to my supervisor.'

Supervisor gets on the phone:

Family Member: - 'I'm calling to tell you, she died in January.'

Bank: - 'The account was never closed and the late fees and charges still apply.'

Family Member: - 'You mean you want to collect from her estate?'

Bank - (Stammer) 'Are you her lawyer?'

Family Member:- 'No, I'm her great nephew.' (Lawyer info given)

Bank: - 'Could you fax us a certificate of death?'

Family Member: - 'Sure.' (fax number is given)

After they get the fax:

Bank: - 'Our system just isn't set up for death. I don't know what more I can do to help.'

Family Member: - 'Well, if you figure it out, great! If not, you could just keep billing her.I don't think she will care.'

Bank: - 'Well, the late fees and charges do still apply.'

Family Member: - 'Would you like her new billing address?'

Bank: - 'That might help.'

Family Member: - ' West Park Cemetery, 12 West Park Road, Johannesburg, Plot Number 1049.'

Bank: - 'Sir, that's a cemetery!'

Family Member: - 'Well, what the *hell do you do with dead people on your planet?'

Willows 14 – 16 Februarie 2014

Die Willows Valentynskamp was weereens 'n groot sukses met 68 karavane, waarvan 8 gaste was. Van ons lede, soos die Barnard's, het alreeds van die Maandag af gekamp.

Vrydagmiddag het die manne gesweet om die tent op te slaan en daai vreeslike penne in te kap. Dankie aan elkeen wat gehelp het daar mee. Vrydag se boekevat is behartig deur Denise Kaltenbrunn en daarna het almal vure opgesteek en lekker gekuier. Wanda het vir elke gas 'n hartjie met 'n kaartjie en lekkertjies gegee (wat sy self gemaak het) om gelukkige Valentynsdag toe te wens. Daar is ook 'n koek uitgeloot en Christo Claasen het dit gewen.

Saterdagoggend vroeg was almal gereed om te gaan stap. Ons het 'n groot opkoms gehad en dit was 'n reuse sukses. Oud en Jong het almal gestap en natuurlik was daar die brawe hardlopers. Kobie het vir haar man, Johan, wegeloop en Leonora moes hom maar geselskap hou.



Die dappes wat die stap aangedurf het, lyk hulle nie fiks nie

Ek en Lorna moes pad aanwys en in plaas daarvan dat die water gedrink moes word het Kallie en Adel ons sop nat gespuit. Die sweat het geloop, maar almal het deurgedruk en in goeie gees klaargemaak. Die stap is gereël deur Zelda Swanepoel en die skenkings vir die water en medaljes is ontvang van Andre Barnard.

Saterdagmiddag was soos gewoonde weer waatlemoenfees. Johan Steynberg, Oom Richard en Frans het die waatlemoeene vir ons opgesny en kon skaars voorbly. Almal het lekker gesmul en ek het ook gesien hoe Tania vir Eddie lekker taai smeer.



Daar is lekker aan die waatlemoen gesmul

Saterdagaand se boekevat is gehou deur Judy Botha wat vir ons lekker smarties uitgedeel het.

Sondagoggend het Zelda en Zeldrien vir ons Sondagskool gehou en daarna het Ds. Rudie van Tonder vir ons 'n pragtige oggenddiens gehou.

Baie was maar traag om huis toe te gaan en het nog tot laatmiddag gekuier. Baie dankie aan almal wat gehelp het om hierdie kamp 'n groot sukses te maak.

Tessa en Ignis Bessinger

Foto blad Senior burger kamp Willows

12—13 Februarie 2014.



*Foto's ingestuur deur:
Liana Labuschagne en Marehta Zeelie*

Cannon Rocks Maart 2014

Van ons Sawanante was gelukkig genoeg om die Donderdag al die pad te vat en die res het Vrydagoggend gearriveer. In totaal was ons 30 karavane. Soos die vorige jaar was ons weereens nie teleurgesteld met die toestand van die oord nie. Netjiese geriewe en 'n lekker skoon swembad vir die kinders om in te baljaar. Natuurlik het ons mos 'n paar verjaarsdae gehad. Vrydag was Rautie en Saterdag Adele Engelbrecht. Vrydag het Rautie almal genooi vir 'n wors braai onder die lapa met lekker pap en sous. Natuurlik kon ons glad nie vir beter weer gevra het nie. Almal het lekker saam gekuier. Hierdie jaar het Goofy en



Elkeen geniet die rustigheid op sy eie manier

Elmarie Fouche ook besluit om bietjie verder te ry as net Willows. Aangesien dit hul 34ste huweliks herdenking was, het Goofy besluit om haar bietjie uit te neem na Cannon Rocks. Dit was baie lekker om julle weer te sien.

Vrydagaand het Gerhard Momberg vir ons boekvat gehou. Later die aand het ons weer bymekaar gekom vir Karaoke en alhoewel ons stadig begin het, het dit al hoe beter gegaan hoe warmer die stemme geword het.



Die "Honeymoon couple"

Die twee verjaarsdagmaatjes



Die potjiekos kompetisie was straf. Hier is van die deelnemers van Shark ondersteuners, vleis kenners en ook die mafia

...../Vervolg

Saterdag was dit WARM en die kinders het die swembad terdeë geniet. Ons het besluit om boekvat die oggend te hou om voorsiening te maak vir die middag se kompetisie. Gerhard Moggee het vir ons 'n boodskap gebring. So teen twee uur het die potjiekos-kompetisie begin.



Die wenners in hul Kostuum

Baie dankie aan ieder en elk wat deelgeneem het. Die gees was "great". Julle het regtig baie moeite gedoen. Die beoordelaars (Tjaart Snyman, Gavin Younger van Eastern Cape Caravans en Wanda van Vuuren) het 'n baie moeilike taak op hande gehad. Die standaard was hoog. Die wenners was soos volg: Derde was die Shark tails (Etienne en Michelle Smit), tweede was Kamp Lekkerkry (Pozyn en von Mol-



Die gedekte tafels

lendorff gesin) en ons wenners was die Mosbolletjie Kommando (Deysel en Basson gesin). Sondagoggend het Johan van Vuuren 'n kort kerkdiens gehou waarna almal maar traag was om op te pak want weereens was dit 'n pragtige dag.



Van die eindprodukte, dit lyk bitter lekker ek kan amper proe hoe dit smaak.

Johan van Vuuren

Van Stadens 100 + Maart 2014

Oor die naweek van 28 Februarie tot 1 Maart was daar 'n 100+ kamp gehou vir die lede van Kaap Middellande. Die kamp was gereël deur streek Oos-kaap se bestuurspan. Daar was reeds in Oktober 2013 begin met reëlings vir die kamp. Spesiale uitnodigings is gemaak en daar is beplan aan watter tema, geskenkies ens. gebruik sou word. Die tema was boemelaars en alles was rondom die tema beplan van die uitnodigings, geskenke, opmaak van die saal, Sondagdiens, ens.

29 karavane was teen Vrydagaand opgeslaan en reg vir aksie. Na boekvat, gelei deur Johan van Vuuren, kon elkeen heerlik smul aan worsbroodjies met regte tamatiesmoor bedien in ongedrukte koerantpapier. Die kampers moes na ete hulle geskenkies kom afhaal. Die geskenkies was in 'n brooddoek toegedraai en



Die manne wat nog nie 100+ het nie, moet werk en saal rekry vir die eregaste

'n stok is deur die doek gedruk om dit soos 'n boemelaars pakkie te laat lyk. 'n Brooddoek (tannie Ann nie 'n klein tafeldoek nie) Binne-in was daar huisgemaakte appelkooskonfyt, boksie vuurhoutjies, tydskrifte, ens. Elke lid se aantal kampe is ook uitgelees.



Die eregaste luister na wat op hulle wag vir die naweek



Poppie met haar wors rolle



Tannie Elria was die Baba van die naweek.

Tannie Elria Stanford was die baba vir die naweek met 102 kampe agter die rug. Sy moes die naweek met 'n borslap rondloop en het ook 'n groot lekkergoed fopspeen gekry om aan te suig.

Saterdagoggend was dit net rustig sit en niksdoen. Daar was nog 'n paar boereworsrolle oor wat die manne toe "nag" gemaak het. Saterdagmiddag het die bestuurspan die saal opgemaak in die tema van 'n boemelaars lêplek.

Vervolg/.....

...../Vervolg

Oom Tjaart het die middag begin met sy pot vir aandete. Na boekvat, by Liana se karavaan, het die lede 'n uur gehad om hulle voor te berei vir die aand se ete en boemelaars modeparade. Die lede moes aantrek soos boemelaars. Daar is vir elkeen 'n blikbeker met voggies ingegee soos hulle die saal binnegekom het. Die beoordelaars het 'n moeilike taak gehad om te verrig, aangesien die lede rērig baie moeite gedoen het met hulle voorbereiding. Sommige lede het sovēr gegaan om hulle met visaas te smeer om die regte effek te verkry. Oom Daan Schoeman en sy gesin het ook die aand kom bywoon. Daar was verskeie naaswenners, maar die trofee vir die beste nabootsing van 'n boemelaars paar het gegaan aan Oom Gert en Tannie Luzi Scheepers.



So het die saal en van die geskenkies gelyk

Na die modeparade was dit tyd om te eet, en almal het 'n blikbord gekry waaruit hy sy "bunny chow" en slaai kon geniet. Daar was ook heerlike koekstruif vir nagereg. Die res van die aand het die lede lekker gedans op die musiek wat Johan en Sandra Fourie vir ons gemaak het. Om die litte lekker los te kry, het elkeen 'n "medisynebotteltjie" gekry om aan te suig, want drink kon jy nie met wange wat ineen getrek het van die smaak nie. Papsak wyn op sy beste. Die lede kon die blikbord en beker hou as 'n aandenking van die naweek.



Die span wat die naweek se reëlings getref het



Hier is Tjaart se pot wat hy voorberei vir die aandete



Dit is die man wat die lekker kos gemaak het.

Sondagoggend het ons die naweek afgesluit met 'n diens wat deur myself gelei was. Die diens was begin met die liedjie Spieëltjie van Bobby van Jaarsveld. Die boodskap was oor hoe ander mense ons sien en of hulle God se skepping in ons gedrag kan sien. Daarna is daar heerlike sjokolade koek en tee geniet. Die lede het tot laat Sondagmiddag nog lekker saam gekuier om die braaivleisvure.

Vervolg/.....

...../Vervolg



Die eregaste daag op by die aand se verrigtinge (ek ken moeilikheid as ek dit sien)

Ek wil net van die geleentheid gebruik maak om aan my mede bestuurspan lede, en hulle gades, baie dankie te sê vir alles wat julle gedoen en opgeoffer het om van die naweek 'n sukses te maak. Daar was 'n spanlid wat vir die Onkoloog gesê het hy moet wag sy moet eers gaan kamp dan kan hy maar verder sny, 'n ander lid se dogter het 'n rugoperasie gehad, my sekretaresse het haar rugoperasie uitgestel om te kom kamp, as dit nie toegewydheid is nie dan weet ek nie. Met 'n bestuurspan soos die is alles moontlik, baie dankie aan almal wat iets bygedra het. Baie dankie aan Tannie Jakkie Conradie vir die skenk van die heerlike appelkooskonfyt en Oom Tjaart Snyman vir die skenk van die vleis.



Die eregaste geniet hulle, sommige het ook 'n bietjie moeg geraak.

Hierdie is 'n instelling wat ons nie moet laat verlore gaan nie. Dit gee die jonger lede iets om na uit te sien.



Johan & Sandra Fourie



Eddie & Tania Deysel



Gert & Luzie Scheepers die algehele wenners

Johan Steynberg

Liewerste Kamperjollers.

Wat 'n Wow kamp, dis natuurlik die + 100 want tot Oupa het gesê dat hy baie geniet het. Hy dink daar moet nog sulke afdelings bykom sê vir die +50 en nog een van +75. Dis nie nodig dat die komitee dit reël nie die kampers kan mos self doen (julle is mos baie oulik) dan kan julle ook sien hoe besonders lekker so 'n kamp is.

Wat sê julle?

Maar wag laat ek julle eers van Ouma se gekruis (nie haar kruis nie) vertel.

Dit gebeur toe dat toe Ouma haar Telkom foon die Sondag wou gebruik, is Millie alreeds op die lyn en Ouma ken nie haar nie eers nie "Nee" sê Millie haar foon is afgesny omdat sy nie haar *account* betaal het nie en sy is ook nie van plan om te betaal of haar foon nommer en haar adres vir Ouma te gee nie. Ouma raak toe so 'n bietjie opgewerk, sy wil toe weet of Millie dink sy kan nou Ouma se lyn gebruik, "wie gaan betaal?" wil Ouma toe weet. Millie is toe ewe moedwillig en sê sy wil nou praat en Ouma moet maar aflui. Dit het natuurlik Ouma se hare laat regop staan (al staan dit van natuur so), . Sy bel toe vir Telkom, maar die sê toe sy moet dit eers Maandag rapporteer. Maandag baie vroeg is Ouma op die sel met haar klag.

"Ja dame jy is vandag eerste op die lys maar....."

Dis natuurlik hier waar die probleme intree want hulle werk volgens prioriteit van belangrikheid van wat ook al. Hulle weet net nie hoe belangrik is Ouma nie. Saterdag is toe eers haar beurt, 'n hele week na die rapport. Daar word geskuif aan die meubels, drade word getoets, terug skakelbord toe, terug huis toe, weer word getoets weer skakelbord toe. "Ja nee dame dis nou reg" sê die beampte.

Sondag bel Ouma (sy bel net op 'n Sondag) weer, Millie is terug.

"Millie klim net af sodat ek my eie foon kan gebruik," soebat Ouma met 'n nie soebat stem nie. Maar Millie wil niks weet nie

Maandag is Ouma weer op haar sel *ASSEBLIEF* haar foon is nog gekruis.

Hulle verseker haar sy is op die lys. Saterdag kom hulle eers weer, dit word getoets, gery, terug, getoets, gery, getoets. "Dame dis nou verseker reg.

"Sondag bel Ouma en raai wat Millie is weer terug. Die keer kom Millie se woorde so 'n bietjie gekruier oor want as haar foon lui sal sy antwoord en niemand sal vir haar beveel om af te klim nie

Wel soos julle al geraai het, is Ouma weer Maandag op die lyn Telkom toe en hulle kom toe eers weer Saterdag. Na al die toets en ry is alles glo nou reg.

Sondag Millie is weer daar maar nou maak Ouma haar stem dik (en dit is dik) en laat toe vir Millie weet sy het 'n saak by die polisie kantoor gelê van naam skending iets van privaatheid en ek weet nie wat nog nie. Ook dat sy die *Sheriff* laat weet dat hy vir Millie moet opskryf.

Toe Ouma weer Sondag bel is Millie weg.

Kan julle glo 'n volle 4 weke om haar foon te herstel.

Wat is die *moral* van die storie? Moenie jou foon kruis nie.

Daar is nog 'n kruis in ons lewens, Jesus se kruis die simbool van vergifnis van ons sondes.

Sukkel ons ook so of aanvaar ons God se genade?

Levies,

Matisda.

Ware woorde!

1. Die beste manier om iemand “terug te kry” is om te vergewe.
2. Voed jou geloof en jou twyfel, sal sterf van die honger.
3. Tensy jy die hele skepping kan skep in 5 dae, is dit miskien nie so ’n goeie idee om vir God voor te skryf nie.
4. Suksesvolle huwelike is nie om die regte persoon te vind nie, maar om die regte persoon te wees.
5. As die gras groener is aan die ander kant van die draad, kan jy verseker wees die waterrekening is ook hoër.
6. Woede is ’n toestand waar die tong vinniger werk as die verstand.
7. Jy kan nie die verlede verander nie, maar jy kan die huidige ruïneer deur jou te bekommer oor die toekoms.
8. God gee altyd Sy beste aan hulle wat die keuse aan Hom oorlaat.
9. Alle mense glimlag in dieselfde taal.
10. ’n Drukkie is ’n groot geskenk! “One size fits all!”
11. Almal verdien om bemin te word... Veral hulle wat dit nie verdien nie.
12. Die werklike maatstaf vir ’n man se rykdom is wat hy belê het in die lewe hierna.
13. Elke een het skoonheid maar nie almal sien dit nie.
14. Dank God vir wat jy het en VERTROU HOM vir wat jy benodig.
15. Indien jy jou hart vul met verwylte oor gister en bekommernisse van môre, het jy geen vandag om voor dankbaar te wees nie.
16. Indien iemand iets slegs van jou sê, leef so dat niemand dit glo nie.
17. Geduld is die vermoë om jou “engine te laat idle” terwyl jy voel jy wil jou “gears strip”.
18. Harde woorde breek nie bene nie maar wel harte.
19. Liefde word versterk deur saam deur konflik te werk.
20. Om uit die moeilikheid te kom, moet mens gewoonlik daardeur.
21. Ons neem as vanselfsprekend aan die dinge waarvoor ons moet dankie sê.
22. Liefde is die enigste ding wat verdeel kan word sonder dat dit minder word.
23. Neem tyd om te lag want dit is die musiek van die siel.

Mag God vir ons almal die wysheid en genade gee om dit uit te leef!

Ingestuur deur Alida Steynberg

Lede Indeling

JOHAN STEYNBERG

Stenie Grobler
Flippie & Amanda Kapp
Theo & Mariana Pozyn
Stan & Marguerite Vermeulen

Willie & Martie Gummow
Gerhard & Leonora Moggee
Kobus en Lorenda v Eeden
Anton & Rozelle van Mollendorff

Christo Jonker
Gary & Juliana Oelofse
Elria Stanford

RICHARD HEYMAN

Werner & Charmaine Barnard
Tertuis & Latella du Toit
Reitz & Susie Kruger
Paul & Juanita van Aardt

Johan & Jakkie Barnardo
Casper & Philna Jerling
Charl & Lynette Potgieter
Johan & Petro Slabbert

Morne & Ruth Basson
Anton & Karin Knoetze
Jaco & Elsabe le Roux
Ben & Marie Weitz

LIANA LABUSCHAGNE

Adrian & Brenda Beneke
Kenneth & Lizelle Bothma
Johan & Karen Rautenbach
Johan & Sannie Williams

Gerhard & Michelle Bosch
Adriaan & Christa Viviers
Naas & Corné Terblanche
Theo & Susan van Brouwenshoven

Eddie & Tania Deysel
Dwayne & Anneke Lerm
Gato & Estelle Ferreira
Rudi & Natasja van Tonder

JOHAN VAN VUUREN

Jacques & Salomie Botha
Johan & Sandra Fourie
Ettiene & Michelle Smit
Jacques & Jacqueline Whittle

Freek & Audery Buchner
Auret & Annelie Morton
Theo & Monique Buchner
Roderick & Laura van Wyk

Pierre en Wilma Stander
Warren & Jannine Nance
Werner & Lizelle Visser

ANDY WAIT

Willie & Jackie Conradie
Aubrey & Erica Oelofsen
Wouter & Alna Steenkamp
Leon & Liz von Waltzleben

Johan & Gessina Vermaak
Gert & Luzie Scheepers
Pieter & Bettie Venter
Malcolm & Sandra Wait

Cecile Meyer
Germano & Dina Small
Piet Kapp
Danie & Maretha Zeelie

JAN HUGO

Gerrie & Isabella Bezuidenhout
Ruben & Johanna Gillson
Eddie & Rentia Nance
Mario & Michele vd Westhuizen

Cora Brophy
Hansie & Elna Jonck
Tjaardt & Nelia Snyman
Elsabe Pattinson

Louis & Mandy Brophy
Sakkie & Alida Kinghorn
Elmar & Elsabe Steyn

TESSA BESSINGER

Bossie & Ronnie Boshoff
Gerrie & Venesa Rens
Johan & Kobie Rossouw
Kallie & Denise Kaltenbrünn

Barend & Lenie Swanepoel
Leon & Marina Renierse
Gerrie & Lorna van Rooyen
Grant & Sonette Willett

Cynthia Didloff
Tobie & Judie Botha
Shaun & Madelyn Victor

ZELDRI STRYDOM

Tinus & Eurika Claasen
Pieter & Elize du Preez
Rassie & Derineé Erasmus
Susan Smith
Steve en Ischke Lambrechts

Duppie & Emsé du Plessis
Arno & Adele Engelbrecht
Adri & Alta Geldenhuys
Gerhard & Annemarie Momberg

Chris & Magda Coertze
Ferdie & Betsie du Toit
Markus & Riana Pottas
Ferdi & Linda v Standen

ZELDA SWANEPOEL

André & Jennifer Barnard
Tommie & René Hall
André & Rika Muller
Mario & Vicky Weitz

Christo & Michele Blignaut
Etienne & Marohessa du Prees
Sieg & Charlene Slabbert
Anton & Theresa Willemse

Ettienne & Zunel Fourie
Steven & Sandra Meyer
Eben Weitz
Louis & Rene Botha

DINA CLAASEN

Chris & Adele Bezuidenhout
Goofey & Elmarie Fouche
Loutjie & Erika Heunis
Eric & Wilna Noack

George & Karin Brand
Frank & Kirsty Fourie
Maruis & Beata v Rensburg
Pieter & Leoni v Rensburg

Benji & Yvette Erasmus
Pierre & Sannett Greyling
Gustav & Janine Nel



Verjaarsdae



April

1	REYNIERSE	Leon
4	â GREYLING	Shanell
7	â NOACK	Storm
7	SLABBERT	Petro
9	Basson	Morne
11	BOTHA	Jacques
11	WAIT	Sandra
13	MULLER	André
14	PATTINSON	Elsabé
17	â BOTHA	Elrika
17	LE ROUX	Elsabé
17	â LE ROUX	Leané
19	â ENGELBRECHT	Chené
20	KRUGER	Reitz
22	j v RENSBURG	Marius
23	BOTHMA	Lizelle
24	BOTHA	Salomie
24	COERTZE	Chris
24	CONRADIE	Jackie
24	GREYLING	Shannett
24	â OELOFSE	Brandon
25	V JAARSVELD	Teresa
25	â BEZUIDENHOUT	Tiaan
26	â BOTHA	Marcel
26	BOTHA	Judie
26	ERASMUS	Willem (Rassie)
27	DEYZEL	Tania
27	FERREIRA	Estelle
28	BLIGNAUT	Christo
29	OELOFSEN	Aubrey
30	STEYN	Elsabé
30	â BOTHMA	Juan-Christo

Mei

1	MORTON	Auret
2	BEZUIDENHOUT	Isabella
3	â RAUTENBACH	Melissa
4	v BROUWERSHAVEN	Theo
5	FOUCHÉ	Goofey
5	â BOSCH	Dean
6	VAN STADEN	Ferdi
7	â VAN AARDT	Munro
7	MULLER	Rika
8	STANFORD	Elria
8	MOGGE	Leonora
11	OELOFSEN	Trish
12	â FOURIE	Jean-Claude
13	VAN EEDEN	Kobus
15	GELDENHUYSEN	Alta
15	GILLSON	Johanna
15	ZEELIE	Maretha
16	â JONCK	Ruan
18	VICTOR	Madelyne
19	â MOMBERG	Jordan
19	VERMEULEN	Marguerite
20	HUGO	Jan
22	â BÜCHNER	Luan
22	MEYER	Steven
23	HALL	Tommy
23	MORTON	Annelie
23	SMALL	Germano
24	â KNOETZE	Anri
24	â VAN WYK	Stephen
27	VAN EEDEN	Lorenda
28	â LERM	Marissa
29	â MOMBERG	Meagan
30	FOURIE	Zunél
31	HUGO	Tanya



JAARPROGRAM : 2013/2014

SAWA Oos-Kaap

**(7 VAN DIE 9 STREEK SAAMTREKKE TEL VIR 100% BYWONING)
**(SB— SENIOR BURG SAAMTREKKE)



MAAND	DATUM	KAMP	OORD	100 %	KAMPL.
AUGUSTUS	8 – 11	AJV	VAN STADENS	1	Bestuur
AUG/SEPT	30/8 – 2/9	Streek	BESTUURSKAMP		
SEPT	20 – 22	Streek SB	WILLOWS	2	Zeldri
OKTOBER	18 – 20	Mini-Gebied	JEFFREYSBAAI	3	Bestuur
NOVEMBER	15 – 17	Streek SB	VAN STADENS	4	Dina / Jan
NOV / DES	29 - 01	Streek	MANGOLDSPOOL		Liana
JANUARIE	6 – 12	Streek	SUMMERWOOD	5	Zelda
FEBRUARIE	7 – 9	NUB			
FEBRUARIE	14 – 16	Streek SB	WILLOWS	6	Tessa
FEB/MAART	28/2 – 2/3	100+	VAN STADENS		Oos-Kaap
MAART	20 – 23	Streek	CANNON ROCKS	7	Johan v V
APRIL	18 – 21	Streek	PAASNAWEEK		
APRIL/MEI	25/4 – 4/5	Gebied	GEBIEDSAAMTREK		Gebied
MEI	16 – 18	NUB			
MEI	23 – 25	Streek	PEARSONPARK	8	Johan S
JUNIE	13 – 16	Streek SB	GAMTOOS	9	Dina
JULIE	4 – 13	Streek	WINTERTOER		Tjaart
JULIE	18 – 20	Streek	SITRUSOEWER / ADDO		Johan v V/ Richard
AUGUSTUS	8 – 10	NUB			
AUGUSTUS	8 - 10	AJV SB	VAN STADENS	1	Bestuur
SEPT	5 – 7	Bestuurskamp	PINE LODGE		
SEPT	19 – 21	Streek	BOS / JEFFREYSBAAI	2	Jan /
OKTOBER	17 – 19	KONGRES			
OKTOBER	24 – 26	Streek	WILLOWS	3	
OKT/NOV	31/10 – 2/11	NUB			
NOVEMBER	14 – 16	Streek SB	VAN STADENS	4	
DESEMBER	5 – 7	Streek	MANGOLDSPOOL		

SAWA streef daarna om



- vir Afrikaans-georiënteerde kampeerders die geleentheid te bied om binne 'n Christelike konteks, 'n tuiste te bied waar hulle hul beginsels en kultuur kan uitleef.
- vir kampeerders die geleentheid te bied om saam met geesgenote so bekostigbaar as moontlik te kampeer.
- die belang van SAWA-lede te bevorder deur onderhandeling en samewerking met ander instansies.
- die balans tussen die belang van die mens en die natuur te handhaaf.
- in alles die hand van die Skepper te sien en Hom daarvoor te huldig

SAWA onderskryf die volgende waardes:

**Christenskap
Lojaliteit
Respek
Integriteit
Eerlikheid
Diensbaarheid
Verdraagsaamheid**

Uit die SAWA Webblad